

LATGALIŠU GAZETA

Vuolyudzāni jau 10 godus zem aili

24. aprīli jau dasmytū reizi Rēzeknis

1. vydsškola nūtyka Latgolys nūvoda olimpiāde latgališu rokstu volūdā i skotuis runys konkurss "Vuolyudzāni". Itūgod pisadaleja 57 runuotuoji, 5 vydsškolu komandys (Tiļža, Kuorsova, Baļtinova, Nautrāni, Rēzeknis 5.vydsškola) i 2 Rēzeknis Augstškolys komandys.



1.-4. KL. (20 DALINĪKU):

1. vīta – Emma Olūtnika – Veremu pamatškola, školuojuoja Ināra Ratniece;

2. vīta – Simona Treťjakova – Galēnu p-šk., šk. Irita Līvmane;

3. vīta – Alfrēds Dērviniks – Rēzeknis 5. vydsškola, šk. Rūta Dortāne;

4. vīta – Kaspars Pīgažkovs – Nautrānu v-šk., šk. Ivars Rjabovskis;

5. vīta – Viktorija Krišāne – Mežvydu PI, šk. Vita Krišāne;

6. vīta – Jānis Kaļva – Rēzeknis 5. v-šk., šk. Rūta Dortāne.

5.-9. KL. (27 DALINĪKU):

1. vīta – Renāts Konovalovs – Galēnu p-šk., šk. Inga Elste;

2. vīta – Emīls Seidars – Nierzys p-šk., šk. Ināra Seidare;

3. vīta – Zane Bukša – Baļtinovys v-šk., šk. Anita Ločmele;

4. vīta – Amis Skrebinskis – Kuorsovys v-šk., šk. Anita Lele;

5. vīta – Valters Ludboržs – Rēzeknis 5. v-šk., šk. Rūta Geidāne.

6. vīta – Dainis Skrebinskis – Kuorsovys v-šk., šk.



Līga Rundāne;

7. vīta – Lita Stepanova – Cyblys v-šk., šk. Ināra Kuzņecova;

8. vīta – Ingars Puncuļs – Rēzeknis Katuoļu p-šk., šk. Valda Igaune;

9. vīta – Kristīne Cabule – Ludzas pils. ģimn., šk. Vanda Žulina.

Olimpiāde vydsškolanīm nūtyka 5 kuortuos. Pymajā kuortā školāni paruođeja sovys prasnis latgališu volūdys raksteibā, ūtrajā aizdavumi beja par latgališu "prometeju", rūkroksta literatūrys autoru Andrivu Jūrdžu (biografejā juoatruņ

9 oplomeibys) i juo "Myužēigū kalinderi". Trešajā kuortā školāni atkluoja sovys zynuošonys par latgališu dzisminiku, ceinietuoju par zemniku tiseibom Piteri Migliniku i papylldynuoja atticeibu trejstyurus, i paskaidruoja, kai atsarysynuoja mīlestēibys, socialuos i literatūrys atteisteibys problemys O.Rupaiņa lugā "Kod pymri gaiļi dzidojā" (veļteita P.Miglinikam), tod caturtuos kuortys aizdavumi beja par Ontonu Kūkuoju, bet piktajā kuortā – Latgolys kulturys tests.

10. vīta – Nautrānu v-šk. (ško-

luotuoja Veronika Dundure);

11. vīta – Kuorsovys v-šk. (školuotuoja Līga Rundāne);

12. vīta – Baļtinovys v-šk. (školuotuojs Imants Slyšans).

Olimpiādis i skotuis runys konkursa organizātuoji: LVLKŠA, Rēzeknis 1. vydsškola, Rēzeknis Augstškola i Latvejis Universitate. Konkursa finansiali atbaļsteja Rēzeknis nūvoda pošvaļdeiba, Urтанu saime Rēzeknē. Bolvys saryupēja Latgolys Kulturys centra izdevnīceiba, Anta Rugāte, Rēzeknis Augstškola i žurnals "Katuoļu Dzeive".

"Latgolys Saeimai" pyrmuo kūpā saiššona

25.aprīli Rēzeknē iz kūpeigu saiššonu saguoja "Latgolys Saeimys" dalinīki, kai ari jīm pīsavīnuoja vairuok par pīcpadmit interesentu, kas gribēja tyvuok īsapazeit i izsaceit sovys pīkšlykumus tuoluokai darbeibai.

Jau ituo goda 5. aprīli plašuokai sabīdreiba tyka izstuosteits par breivūs ļaužu apvīneibys "Latgolys Saeima" izaveiduošonu i darbeibys princypim. Apvīneiba par prioritatem sovā darbeibā ir izvierzese latgališu volūdys interešu aizstuoveibu, myusdineigys izgleiteibys sistemys atbolstu, kai ari vaļsts varys decentralizacejis procesa veicynuošonu – regionalu pošvaļdeibu izveidi, kab nūdrūšnyuotu vysu Latvejis regionu ekonomisku atteisteibu i it seviški latvisku (latgalisku) Latgolu ar kulturys vierteibu nūsorguošonu nuokamajom paudzem.

25.aprīli apvīneibys dalinīki i citi interesenti saguoja iz kūpeju tikšonūs i puorrunuoja "Latgolys

Saeimys" kūpeiguos idejis. Reiceibys planā īsazeimej treis golvonī dorba vaicuojumi: 1. Programma (kūpeigi juoizstruojoj redziejums, kaidu mes gribim Latgolys atteisteibu i kaida tymā ir latgališu volūdys vīta); 2. Ļauds (juoīsaista aizviņ vairuok cylvāku, navaļstiskūs organizaceju puorstuovus, politiķus, pošvaļdeibys, latgališim lojalys omotpersonys, bazneicys puorstuovus, uzjāmumus i cytus īspiejamūs partnērus kūpeigai sadarbeibai); 3. Darbeiba (kod byus skaidreiba ar pymajom divejom pamatlītom, tod ar sistemātisku individualu i organizāti kūpeigu dorbu byus juoeistynoju izvierzeitūs mierķus – sūli pa sūļam – ar projektim, pasuokumim, kongresim, rezo-



Māris Rumaks (pa kreisi) prezentē vīnu nu pīduovuotajim Latgolys karūga variantim.

lucejom, reklamu, viestuļem, publikacejom i tt.).

"Latgolys Saeima" īsastuoj par vīnuoteibu vysu latvišu vydā Latvejis vaļsts atteisteibai i tūs princypu īvāruošonai, kuri ir myusu kūpejais montuojums nu Latvejis vaļsts izveiduošonys pyrmssuokumim. (1917.goda Latgolys I kongresa lāmums: "Mes, Latgolys latviši, apsavīnuodami ar Kūrzemim un Vydzemim latvišim, pa-

turēsīm sovū pošvaļdeibu, pylnu pošnūteikšonys tiseibu volūdys, ticeibys, školū un saimeisteibys, kai ari zemis vaicuojumā...")

"Latgolys Saeima" nav bīdreiba vai politiska organizaceja, bet gon kūpeiga breivū ļaužu apvīneiba, naatkarēigi nu cylvāka socialuo, finansialuo stuovūķļa, naatkarēigi nu politiskuos pīdeireibys, religiskuos puorliceibys, izgleiteibys leimiņa i cytim aspektim, ar golvonū

Kū vaira volūdu, tū lobuok!

EISUOS ZINIS:

• Vīkēpedeja latgališu volūdā

Daudzejim vēļ svaigā atmiņā ir viests par ISO koda (ltg) pīskieršonu latgališu volūdai 2010.goda suokumā – tys beja jauns stimuls atsagrizt ari pi vaicuojuma par sovys Vīkēpedejis vajadzēibu. Vīkēpedeja (Wikipedia) ir daudzvolūdu enciklopedeja internetā ar bezmaksas saturu. Rokstus tymā breivpruteigi taisa tuos lītuotuoji. Latgališu Vīkēpedeja pagaidam dorbojās "testa režīmā", tū var apsavērt ite: incubator.wikimedia.org/wiki/Wp/ltg

• LgSC otkon kužynoju Daugovpili

Bīdreiba "Latgolys Studentu centrs" (LgSC) aprīli ir atsukuse aktivuoku darbeibu ari Daugovpiļs pusē – tai mieneša laikā latgališu studenti tyka vairuokkuort acinyuoti sasatikt, puorrunuot idejis i īzēimēt tyvuokus i tuoluokus planus.

Aktualuokū informaceju par LgSC aktivitatem Rēzeknē, Reigā, Daugovpili i cytur meklejt īškārsteiklā: skreine.wordpress.com, lakuqa.lv/lg/lgsc. Vairuok informacejis par LgSC aktivitatem Daugovpili prosit vītejuo biroja kordinatorei Vitai Briškai: vita.briska@gmail.com vai pa teleponu 26118413.

NŪTIKŠONU KALENDERS

• 14.05.2010. 18.30, Daugovpiļs teatris, lelais zals

PYRMIZRUODE! Teatris latgališu volūdā – K.Jokstes luga "Kleperniku pogosta zvaigzne".

• Da 2010. goda 19. maja, 16.00 ir vareiba īsnēgt projektu pīsacejumus iz Latgolys kulturys programmys konkursu.

Pīsacejumi juoīsnādz Latgolys regiona atteisteibys agentūrys birojā vai juonūsytu pa postu (posta zeimūgs iz syutejuma – 17. majs). Adrese: LRAA, Saulis īļa 15, Daugovpiļs, LV-5401. Veidlopa i nūlykums atrūnams īškārsteiklā: latgale.lv. Skaidruojumus par konkursu snādz programmys vadeituoja dorba dīnuos nu 9.00-17.00, īpīkš sarunojūt pa t.: 654 20257.

aizdavumu panuokt Latgolys sakuortuošonu i uzplaukumu vysuos jūmuos.

"Latgolys Saeima" atbolsta ari cytu bīdreibu izsaceitū pīprasejumu par kvalitatīvu, atvārtu politiku vaļsts leiminī, par profesionalu problemu i tūs rysynuoju izviertejumu. "Latgolys Saeima" acynoj sabīdreibu iz aktivu leiddzaleibu, acynoj kūpā dareit aktivus cylvākus vysā Latvejā, sasadorbuot regionūs i vītejuos pošvaļdeibuos. Vairuok informacejis īškārsteiklā: lakuga.lv/lg/saeima vai pa e-postu: latgolysaeima@gmail.com

"Latgališu Gazetu" atbolsta Latgolys regiona atteisteibys agentura i Kulturkapitāla fonds.

